

UNITED
NATIONS
United Nations
Interim
Administration
Mission
in Kosovo



NATIONS UNIES
Mission
d'Administration
Intérimaire des
Nations Unies au
Kosovo

PROVISIONAL INSTITUTIONS OF SELF GOVERNMENT

**KUVENDI I KOSOVËS
СКУПШТИНА КОСОВА
ASSEMBLY OF KOSOVO**

**TRANSKRIFTI
SEANCËS PLENARE TË KUVENDIT TË KOSOVËS
TË MBAJTUR MË 14.9.2006**

**TRANSKRIFT
SA PLENARNE SEDNICE SKUPŠTINE KOSOVA
ODRŽANE 14.09.2006**

SHTATOR-SEPTEMBER 2006

RENDI I DITËS

1. Miratimi i rendit të ditës,
2. Miratimi i procesverbalit të seancës plenare të 31 gushtit 2006,
3. Shqyrtimi i raportit të Autoritetit Rregulator të Telekomunikacionit për punën njëvjeçare 2005,
4. Shqyrtimi i raportit të Komisionit për Gatishmëri dhe Emergjencë, pas përfundimit të Projektit të trajnimit për marrjen e kompetencave të kontrollit parlamentar në fushën e sigurisë,
5. Shqyrtimi i rekomandimit të Panelit të Veçantë lidhur me mocionin në Ligjin për përdorimin e gjuhëve,
6. Shqyrtimi i rekomandimit të Komisionit Legjislativ për miratimin e listës së kandidatëve për gjyqtarë dhe prokurorë.

D N E V N I R E D

1. Usvajanje dnevnog reda,
2. Usvajanje zapisnika sa plenarne sednice od 31. avgusta 2006.godine,
3. Razmatranje Izveštaja - Regulatornog autoriteta telekomunikacija o jedngodišnjem radu za 2005 godinu,
4. Razmatranje Izveštaja Komisije za emergentnu pripravnost, nakon završetka Projekta treniranja za preuzimanje kompetencija parlamentarne kontrole u oblasti bezbednosti,
5. Razmatranje Preporuke posebnog Panela u vezi sa mocijom na Zakon o upotrebi jezika,
6. Razmatranje Preporuke Zakonodavne Komisije za usvajanje liste kandidata za sudije i tužioce.

Seancën e kryesoi kryetari i Kuvendit Kolë Berisha

KRYETARI I KUVENDIT KOLË BERISHA – Kolegë, ju lutem t'i zini vendet.

Të nderuar kolegë deputetë, të nderuar ministra, mirë se keni ardhur në seancën e sotme plenare të Kuvendit të Kosovës.

Ju njoftoj se në sallë janë 74 deputetë, që do të thotë janë plotësuar kushte për punë, prandaj kalojmë në pikën e rendit të ditës.

Jakup Krasniqi e kërkon fjalën.

DEPUTETI JAKUP KRASNIQI – Z. kryetar, të nderuar deputetë. Grupi Parlamentar i PDK-së kërkon që nga rendi i ditës i seancës së sotme të hiqet pika e 6 e rendit të ditës, që është në shqyrtim për gjyqtarët për faktin se materialin për këtë seancë e kemi marrë sot dhe konsiderojmë se jemi të papërgatitur për të votuar për listën e kandidatëve gjyqtarë që na është ofruar.

Kërkesa e dytë ,gjithashtu ,që vjen nga Grupi Parlamentar i PDK-së ka të bëjë: Sot në një gazetë shkruan se një polic ka dhënë dorëheqje për shkak se në Shërbimin Policor ka njerëz që nuk do të duhej të ishin në atë shërbim, është një nga arsyet e kërkeshës sonë që do të vazhdojë. Arsyja e dytë është që kohë më parë në protestën nga Vetëvendosja një aktivist i saj në zyrat e Shërbimit Policor të Kosovës është rrahur dhe maltretuar fizikisht e është lëshuar dhunshëm muzika e huaj në gjuhën serbe dhe i është sharë nëna, gjithashtu në gjuhën serbokroate në zyrat e Shërbimit Policor të Kosovës. Arsyet jetër për kërkeshën tonë është se kohë më parë në një komunë të Kosovës Shërbimi Policor ka kryer një kontroll dhe është gjetur armatim në disa vende që kanë qenë të lidhura.....Në kohën kur në Kosovë kërkohet një shërbim i përgjegjshëm i aftë për të siguruar sigurinë e qytetarëve të Kosovës dhe ndodhin këto deformime, mendoj se është në nderin dhe obligimin e Parlamentit dhe propozoj në emër të Grupit Parlamentar të PDK-së që të formohet një komision hetimor për t'i vërtetuar këto që i thashë a ekzistojnë dhe a qëndrojnë. Pra,kërkoj që edhe shefat e grupeve parlamentare të deklarohen për këtë çështje- fjalë është për formimin e një komisioni hetimor. Ju faleminderit!

KRYETARI - Ju faleminderit z. Krasniqi, fjalën e ka dr. Alush Gashi.

ALUSH GASHI – I nderuari z. kryetar i Kuvendit. Ne kemi marrë propozimin e rendit të ditës dhe si grup parlamentar i kemi shqyrtuare të gjitha propozimet për rendin e ditës dhe kemi nxjerrë këtë përfundim: Ne kërkojmë z. kryetar që do ta merrni në konsiderim vendimin e Grupit Parlamentar të LDK-së që raporti i ART-së të plotësohet. Materiali i cili na është prezantuar neve për këtë seancë mendojmë se nuk mjafton për një debat, prandaj kërkojmë që raporti në seancë plenare të vijë sa më parë që është e mundshme, duke i përfillur të gjitha procedurat e rregullores në fuqi dhe me lutje të posaçme që në këtë proces të jenë shumë aktivë komisionet parlamentare, siç është Komisioni Funksional, por edhe komisionet e tjera. Ju faleminderit z. kryetar dhe besoj se e merrni në konsideratë që ta hidhni në votë këtë propozim tonin!

KRYETARI – Ju faleminderit. Përfaqësuesi i Grupit Parlamentar të PDK-së e pati një propozim dhe unë mendoj se duhet ta hedhim në votim.

Fjalën e ka Alush Gashi.

ALUSH GASHI – Z. kryetar, ne si Grup Parlamentar tash dëgjuam për herë të parë për çështjet të cilat i ngriti PDK-ja dhe në emër të grupit në këto momente nuk mund të deklarohemi sepse nuk kemi asnje të dhënë shtesë dhe si grup kemi nevojë për konsultime. Prandaj, pa e refuzuar mundësinë e propozimit në bazë të Rregullores së punës, ju lutem mos kërkoni nga ne të deklarohemi në këtë seancë. Ju faleminderit!

KRYETARI – Fjalën e ka deputetja Gjylnaze Syla.

GJYLNAZE SYLA – Faleminderit z. kryetar, të nderuar anëtarë të Kabinetit Qeveritar, deputetë të nderuar. Grupi Parlamentar i AAK-së lidhur me propozimet e Partisë Demokratike konsideron, gjithashtu, se nuk jemi të gatshëm që sot t'i shqyrtojmë ato dhe le të shkojë sipas procedurave të ngritjes së komisionit hetimor ose të procedurës së propozimit me shkrim që e ka Partia Demokratike. Unë dua t'jua përkujtoj se rendi i ditës është, se rregulla 23 sipas së cilës Kryesia përgatit një propozim për seancë dhe menjëherë të njëjtin e ven në dispozicion për deputetët e Kuvendit, ne natyrisht e përkrahim iniciativën të cilën e shtroi Partia Demokratike, por na duhen fakte për këtë, në mënyrë që të vazhdohet në procedura të rregullta.

Sa i përket pikës 6, meqë vonë është marrë materiali, e përkrahim propozimin që deputetët të kenë kohë të shqyrtojnë materialin edhe pse Komisioni e ka shqyrtuar me shumë kujdes dhe vëmendje, mirëpo nëse deputetët kërkojnë më shumë kohë ne e përkrahim dhe mund të hiqet nga rendi i ditës.

Sa i përket ART-së ne pajtohami me Lidhjen Demokratike se është mirë me pas më shumë material të këtij raporti, në mënyrë që shqyrtimi të jetë më i frytshëm lidhur me këtë raport. Ju faleminderit.

KRYETARI – Ju faleminderit. Fjalën e ka znj. Teuta Sahatqija.

TEUTA SAHATQIJA – Faleminderit z. kryetar i Kuvendit. Edhe Grupi ynë parlamentar e dëgjoi me kujdes propozimet e Grupit Parlamentar të PDK-së dhe të LDK-së. Sa i përket kërkesës së Grupit Parlamentar të PDK-së për Komisionin Hetimor me ç' rast u fol përmaltrimet që i kanë pësuar anëtarët e Vetëvendosjes, mendoj që kjo duhet të ketë qasje, me të cilën do të pengohen të gjitha mënyrat jodemokratike të cilat mund të ndodhin. Mirëpo, duke pasur parasysh që në këtë moment nuk kemi mjaft informata, mendojmë që për këtë të mos deklarohemi sot, por për komisionin hetimor të deklarohemi në seancën tjetër pasi të merren vesh shefat e grupeve parlamentare.

Ndërsa propozimin e LDK-së për heqjen nga rendi i ditës të pikës për Autoritetin Rregulator, mendojmë se do të ishte mirë që dokumenti të plotësohet, por ekziston edhe një arsyesh tjetër, për të cilën kërkojmë të shtyhet kjo pikë e rendit të ditës, por jo më larg se në seancën e ardhshme e ajo është që në sallën e Kuvendit mungon ministri i Telekomunikacionit, i cili pritet të vijë në këtë seancë, prandaj me këtë propozim pajtohami për shtyrje. Ju faleminderit!

KRYETEARI - Ju faleminderit. Fjalën e ka deputeti Gjergj Dedaj.

GJERGJ DEDAJ – Faleminderit shumë z. kryetar. Të nderuar ministra, kolegë deputetë. Sipas kësaj që filloi kjo seancë po shihet se Kryesia ka dalë me propozime shumë të papërgatitura dhe do të ishte mirë të shtyhet, sepse nuk po shoh aspak seriozitet në punën e Kryesisë së Kuvendit as të organeve drejtuese të Kuvendit të Kosovës. Nuk e kam të qartë pse nuk janë marrë parasysh propozimet e deputetëve dhe të grupimeve të ndryshme parlamentare në seancën e fundit kur u referue nga Ekipi Negociator që të shtrohet çështja e votëbesimit për këtë ekip, që sipas mendimit tim është duke i shkelur sovranitetin e Kuvendit të Kosovës dhe parimet e deklarimit të popullit të Kosovës për vetëvendosje dhe pavarësi dhe është duke u bishtnuar të gjitha qëndrimeve dhe këtij vullneti. Nëse shumë prej nesh kanë kërkuar të votohet se a t'i jepet drita e gjelbër që të vazhdojnë këto bisedime “teknike”, kurse kryesisht janë politike, kjo kaloi pa asnjë konkluzion, pa asnjë votim, pa asnjë sqarim, pa asnjë vendim dhe kjo jo që është nonsens, por është një farsë e Kuvendit të Kosovës dhe unë mendoj se Kuvendi i Kosovës ka filluar të merret vetëm me çështje sekondare, çështje që sa për t'u dhënë mëditje deputetëve dhe me i arsyetur pagat e Kryesisë së Kuvendit të Kosovës. Ju faleminderit!

KRYETARI – Ky është mendimi juaj. Fjalën e ka deputeti Jakup Krasniqi.

JAKUP KRASNIQI – Z. kryetar, unë kam pasur dy kërkesa. Kërkesën për ta shtyrë pikën e 6 -të rendit të ditës. Konsideroj se ne jemi të papërgatitur, por të papërgatitur janë edhe të tjerët. Sa i përket kërkesës së dytë pajtohem, pasi kërkuuan edhe shefat e tjerë të grupeve parlamentare që të shtyhet për seancën e ardhshme, por në seancën e ardhshme konsideroj se duhet të jetë në rendin e ditës. Ju faleminderit!

KRYETARI - Fjalën e ka deputeti Gani Koci.

GANI KOçi – Z. kryetar më duket se shefat e grupeve parlamentare nuk e dinë edhe një fakt lidhur me raportin financier të ART-së fakti që ky raport është dashur të shqyrtohej në tremujorin e parë të këtij viti dhe jo në tremujorin e fundit, dua t'ju informoj të nderuar deputetë se raporti i ART-së është shqyrtuar nga Komisioni për Buxhet më 14 mars të vitit 2006 dhe është bërë që atëherë kërkesa që ky raport të plotësohet edhe me të dhëna të tjera analitike, sepse ka qenë i mangët, ndërsa ART-ja nuk e ka bërë këtë, por me rrugë jashtinstitucionale e ka dërguar te komisioni tjetër (për Ekonomi dhe Financa) dhe ka ardhur me arsyimet dhe propozimet e Komisionit për Ekonomi dhe Financa. Unë konsideroj se asnjë shtyerje tjetër nuk do të plotësonë këtë raport dhe kemi mjaft argumente që vërtet të bisedohet jo vetëm për raportin, por për krejt Agjencionin e ART-së. Edhe në këtë seancë pa e shtyrë fare, d.m.th, është shtyrë dhe nuk dua t'jua lexojë vendimin që e ka marrë Komisioni për Buxhet më 14.03.2006. Në të kërkesë ka qenë që në bazë të kësaj u jemi drejtuar përpunimin e raportit në pjesën e punës së këtij komisioni, prandaj shtyrrja është e panevojshme ose edhe një prolongim përmirafket që po ndodhin në Agjensionin e rregulatorit të Telekomunikacionit.

KRYETARI – Ju faleminderit, fjalën e ka kërkuuar deputeti Alush Gashi.

ALUSH GASHI – I nderuari z. kryetar. Ne si Grup Parlamentar e kemi shqyrtuar materialin lidhur me propozimin përgjykatës, por në frysë e bashkëpunimit dhe të

unititet me grupet e tjera parlamentare në këtë fazë të rëndësishme për vendin tonë, ne e mbështesim propozimin e Partisë Demokratike të Kosovës që kjo pikë e rendit të ditës të jetë në njëren prej seancave të radhës. Ju faleminderit!

KRYETARI – Ju faleminderit. Atëherë mund të votojmë, i kemi dy propozime, që të hiqet nga rendi i ditës pika 6. Shqyrtimi i rekomandimit të Komisionit Legjislativ për miratimin e listës së kandidatëve për gjyqtarë dhe prokurorë.

Votojmë me votim elektronik, lus regjinë që të përgatitet.

Votojmë tash:

| | |
|--------------|----|
| Për | 84 |
| Kundër | 3. |

Kalon propozimi për heqjen nga rendi i ditës të pikës 6.

Kemi propozimin tjetër të LDK-së, i shoqëruar nga AAK-ja për heqjen e pikës së tretë: Shqyrtimi i raportit të Autoritetit Rregullator të Telekomunikacionit për pünën njëvjeçare 2005.

Votojmë tash:

| | |
|--------------|-----|
| Për | 77 |
| Kundër | 10. |

Kalon propozimi i LDK-së dhe i AAK-së.

Vazhdojmë me rendin e ditës.

Miratohet rendi i ditës me këto ndryshime, që pika e tretë të jetë për seancën e radhës.

Kalojmë në miratimin e procesverbalit të mbledhjes së mëparshme A ka dikush vërejtje në procesverbal dhe nëse ka le të shkohet në procedurën e rregullt.

Fjalën e kërkon Fetah Berisha

FETAH BERISHA – Z. kryetar, unë e kam një propozim për pikën e dytë, meqë në procesverbal nuk përfshihen diskutimet e deputetëve. Unë e kam këtë propozim që të formulohet herëve të tjerë kështu. Miratimi i procesverbalit dhe i transkriptit të seancës plenare të kësaj date, sepse disa herë është dhënë vërejtje për gabimet përbajtjesore dhe gjuhësore që kanë rrjedhur në transkript. Ju faleminderit.

KRYETARI – Ju faleminderit. Unë nuk i arsyetoj gabimet që janë bërë nga administrata, por megjithatë disa herë është thënë edhe këtu se gabimet mund të përmirësohen me intervenimin tuaj, në formën e paraparë me rregullore. Sipas Rregullores vetëm procesverbal i jo edhe transkripti i nënshtrohet miratimit.

Kalojmë në pikën e 4 të rendit të ditës.

6. Shqyrtimi i raportit të Komisionit për Gatishmëri dhe Emergjencë, pas përfundimit të Projektit të trajnimit për marrjen e kompetencave të kontrollit parlamentar në fushën e sigurisë.

Në pajtim me rregullat 46 dhe 47 të Rregullores së punës Komisioni për Gatishmëri dhe Emergjencë si komision funksional ka përgatitur dhe Kuvendit i ka arritur raportin për aktivitetet e zhvilluara në këtë fushë, si dhe propozimin e rekomandimeve për Kuvend. Në pajtim me rregullën 22.5 radha e diskutuesve shkon si vijon: Kryetari i Komisionit raportues nëse do ta marrë fjalën. Fjalën e ka deputeti Naim Maloku.

NAIM MALOKU, kryetar i Komisionit për Gatishmëri dhe Emergjencë - I nderuari z. kryetar i Kuvendit, të nderuar ministra, deputetë nderuar zni. dhe z.

Falënderoj kryetarin e Kuvendit shefat e grupave parlamentare dhe Kryesinë e Kuvendit për vënien në rendin e ditës të seancës së sotme të raportit të Komisionit Parlamentar për Gatishmëri dhe Emergjencë dhe më lejoni që në emër të komisionit t'i drejtohem Kuvendit si vijon.

Komisioni për Gatishmëri dhe Emergjencë konstaton dinamikën e theksuar në ngritjen e kapaciteteve të Ministrisë së Punëve të Brendshme dhe të procesit të përshpejtuar të bartjes së përgjegjësive në fushën e sigurisë nga institucioneve ndërkombe të tek ato vendore. Ministria e Punëve të Brendshme me sukses e kaloi testin e ushtrimit të përgjegjësisë në kompetencat e bartura me marrëveshjen fillestare të dhjetorit të vitit të kaluar dhe me sukses është duke u realizuar bartja e të ashtuquajturës pako e dytë e kompetencave. Në përfundim e sipër është bartja e përgjegjësive në të gjitha stacionet e policisë kufitare në ato të Shërbimit Policor të Kosovës dhe në Ministrinë e Punëve të Brendshme, po e marrim përgjegjësinë për kufijtë e Kosovës.

Janë kryer ndërtimet e drejtorive brenda Ministrisë të Punëve të Brendshme, kisha cekur ndërtimin e Drejtorisë së policisë kufitare, Drejtorisë së azilit, të asaj të refugjatëve. Është ngritur niveli i kontrollit të brendshëm të Shërbimit Policor të Kosovës i instaluar në hierarkinë e Komandimit nga lart poshtë dhe dhënies së përgjegjësive nga poshtë lartë. Është duke u bërë ngritja me sukses e Inspektoratit të policisë si agjenci e pavarur e cila do të ushtron kontrollin direkt mbi shërbimin policor të Kosovës si kontroll i ashtuquajtj rrathi i dytë i kontrollit mbi policinë e një vendi që do të thotë ministri ushtron kontrollin mbi Shërbimin Policor të Kosovës nëpërmjet agjencisë së pavarur që do të jetë Inspektorati i policisë.

Qendra për trajnim dhe edukim në Vushtrri me sukses është duke i kryer obligimet e aftësimit dhe të edukimit të pjesëtarëve të të gjitha segmenteve të policisë, por edhe të segmenteve të tjera të sigurisë.

Tënderuar deputetë!

Siguria është sfidë e madhe sot për njerëzimin. Kosova po përgatitet që si shtete i pavarur së shpejti me e marrë përgjegjësinë në garantimin e sigurisë për të gjithë qytetarët e vet, mirëpo njëkohësisht Kosova duhet ta marrë përgjegjësinë edhe për sigurinë e rajonit, për stabilitetin në rajon dhe më gjerë. Kosova duhet të jetë pjesë e mekanizmave ndërkombëtarë dhe rajonalë në luftimin e krimit të organizuar dhe të terrorizmit ndërkombëtar si sfida me të cilat përballet njerëzimi sot.

Krahas ngritjes së infrastrukturës institucionale për marrjen e përgjegjësisë në fushën e sigurisë, me ngritjen e kapaciteteve të ekzekutivit, të nderuar deputetë, me përkrahjen e kryetarit të Kuvendit, Kryesisë dhe shefave të grupeve parlamentare dhe në bashkëpunim me OSBE-në, zyrën e projektit për mbështetje Kuvendit të Kosovës nga parlamentet e katër vendeve të OSBE-së, të Qendrës për kontrollin e forcave të armatosura DEKAF me seli në Gjenevë, Komisioni ka zhvilluar një varg aktivitetesh që nga dhjetori i vitit të kaluar, në kuadër të projektit për trajnimin e Komisionit dhe për aftësimin e tij në marrjen e kompetencave për ushtrimin e kontrollit parlamentar mbi segmentet e sigurisë, këtë kapacitet Kuvendi i Kosovës nuk e ka pasur të ngritur deri më sot, pra është punuar në ngritjen dhe përmirësimin e kontrollit të brendshëm të Shërbimit Policor të Kosovës, është duke u punuar në ngritjen e Inspektoratit të policisë si agjenci e pavarur për kontrollin e Shërbimit Policor të Kosovës, mirëpo Kuvendi i Kosovës nuk ka kapacitet për të ushtruar kontrollin parlamentar mbi policinë dhe segmentet e tjera të sigurisë të cilat janë në ndërtim e sipër në Kosovë.

Të nderuar deputetë,

Duke i mbetur besnik parimit të transparencës, Komisioni parlamentar para jush ka ofruar raportin i cili paraqet punën dhe angazhimet e Komisionit parlamentar në marrjen e përvojave për t'u aftësuar për ushtrimin e kontrollit parlamentar mbi segmentet e sigurisë. Më lejoni edhe disa arsyet e tijerë në mbështetje të propozimit që Komisioni për Gatishmëri dhe Emergjencë sot të riemërohet në Komision për Siguri në Kuvendin e Kosovës. Komisioni deri më sot ka pasur obligim kurse fushëveprim i tij kanë qenë kontrolli dhe mbikëqyrja e Departamentit për Gatishmëri dhe Emergjencë që ka qenë fillimisht në kuadër të Ministrisë së Shërbimeve Publike, ndërsa pas fillimit të ndërtimit të Ministrisë së Punëve të Brendshme ka kaluar si kapacitet i Ministrisë së Punëve të Brendshme në kuadër të obligimeve dhe kompetencave që Komisioni ka pasur në kontrollin dhe ushtrimin e përgjegjësive mbi Departamentin për Gatishmëri dhe Emergjencë. Komisioni ka shqyrtuar dhe në Kuvend janë miratuar 2 ligje. Ligji për mbrojtje kundër zjarrit dhe Ligji për mbrojtjen nga fatkeqësitë natyrore dhe nga fatkeqësitë e tjera, ligje që kanë marrë miratimin në Kuvend, por ende nuk kanë hyrë në fuqi për shkak të mos nënshkrimit të autoritetit të PSSP-së.

Komisioni nuk ka kompetencë me këtë riemërim dhe këto kompetencia që i ka pasur deri më sot në shqyrtimin e ligjeve, të cilat janë duke u hartuar dhe të cilat do të vijnë gjatë këtij viti në shqyrtim në Kuvendin e Kosovës siç janë: Ligji për policinë, i cili parashihet të vijë në duart tona dhe të shqyrtohet në seancë plenare në muajin nëntor të këtij viti dhe Ligji për shërbimet sekrete që është ligji në një fazë e hartimit dhe është duke u përmirësuar. Mendojmë se së shpejti do të vijë në shqyrtim në Kuvendin e Kosovës, këto janë arsyet, përveç arsyeve të tjera. Të nderuar deputetë, më lejoni që të thirrem edhe në kërkesën e Grupit Parlamentar të PDK-së për ngritjen e Komisionit hetimor për keqpërdorime të mundshme të uniformës ose të kompetencave të Shërbimit Policor të Kosovës me ngritjen e këtij komisioni në Kuvend të Kosovës, ky kishte me pasë mbikëqyrje mbi Shërbimin Policor të Kosovës dhe mbi segmentet e tjera të sigurisë.

Të nderuar deputetë, më lejoni që emër të Komisionit Parlamentar

t'ju sugjeroj që Kuvendi i Kosovës sot të marrë vendim për riemërimin e Komisionit për Gatishmëri dhe Emergjencë në Komision për Siguri i Kuvendit të Kosovës dhe të

miratohet dhe t'i bashkëngjitet si aneks i Rregullores së punës së Kuvendit të Kosovës, fushëveprimi i Komisionit për Siguri në Kuvendin e Kosovës, e keni të paraqitur në shtojcën nr. 6 të raportit i cili është para jush. Me mandatin 11- mujor që e ka ky Kuvend dhe do ta ketë ky Komision parlamentar, komisioni parashev që të ketë vizita edhe në Kroaci, Hungari dhe në Zvicër në mbështetje të OSBE-së dhe DIKAF-it, pastaj do të ngritët infrastruktura ligjore përfunkcionimin e Komisionit parlamentar, rregullorja e punës së Komisionit parlamentar është duke u hartuar dhe ajo do të vijë në miratim në këtë Kuvend dhe mundësia e hartimit të një ligji se shumë vende të rajonit e kanë ligjin e miratuar në Kuvend i cili përcakton bazën ligjore të veprimit dhe punës së komisioneve parlamentare homologe.

Të nderuar deputet edhe një prej arsyeve tjera që propozojmë që sot Kuvendi i Kosovës t'i merë këto vendime është edhe pamundësi a e krijimit të linjave të komunikimit me parlamentet e vendeve të rajonit dhe më gjérë, për shkak se asnjë parlament nuk ekziston komision përgatishmëri dhe Emergjencë, janë komisionet p.sh në Parlamentin e Shqipërisë për Siguri Kombëtare që ka kompetencë Ministrinë e Punëve të Brendshme, të mbrojtjes dhe kontrollin mbi shërbimet sekrete, në Maqedoni komisioni për Siguri dhe Mbrotje dhe Komisioni për shërbime sekrete, në Sloveni, Komisioni për mbrojtje dhe përkontrollin e shërbimeve sekrete, pra me krijimin e mundësive të krijimit të linjave të komunikimit me parlamentet tjera, me komisionet homologe është e nevojshme që komisioni parlamentar, që Kuvendi i Kosovës të ketë Komisionin parlamentar për siguri. Ju faleminderit përvëmendje dhe kisha pasur dëshirë ta shfrytëzoj rastin nëse ka nevojë për ndonjë sqarim që do të ketë nevojë nga debati i mëtejmë. Ju faleminderit.

KRYETARI – Ju faleminderit z. Maloku, ftoj përfaqësuesit e grupeve parlamentare të interesuar. Fjalën e ka deputetja Gjylnaze Syla.

GJYLNAZE SYLA – Faleminderit z. kryetar. Grupi Parlamentar i Aleancës duke e martë parasysh sa i rëndësishëm është sektori i sigurisë, procesi nëpër të cilin po kalon bartja e kompetencave në të, por edhe ngritjen e kapaciteteve të këtij sektori, por gjithashtu edhe ngritja e kapaciteteve të Kuvendit të Kosovës për mbikëqyrjen e sigurisë dhe të mekanizmave të sigurisë, ne plotësisht e përkrahim raportin e Komisionit përgatishmëri Emergjente si dhe përfundimet e nxjerra nga Komisioni, të cilat kanë të bëjnë me riemërtimin e Komisionit për Emergjencë në Komisionin për Siguri, mendoj se ne duhet ta marrim vendimin që ta votojmë raportin, por edhe përfundimin. Grupi Parlamentar e mbështet Komisionin dhe do t'i votojë këto përfundime. Ju faleminderit.

KRYETARI – Ju faleminderit, fjalën e ka deputeti Husnija Beshkoviq.

HUSNIJA BEŠKOVIĆ – Poštovani predsedniče, gospodo ministri, kolege poslanici.

Kao šlan komisije u vanrednim situacijama i drugi podpredsednik iste dozvolim da govorim u ime Parlamentarne grupe 6+. Jedan sam od učesnika projekta obuke članova komisije za emergentne situacije i smaram da izveštaj koj smo dobili u potpuni suveredostojen i detaljan. Naša ocena je da projekat obuke članova komisije veoma uspešno završen, u okviru projekta za obuke komisije je realizovan više posjeta domaćim i stranim institucijama iz oblasti bezbednostnog sektora. Kako stoji i u samom izveštaju obavili dve posete domaćim institucijama i to u centru za obuku Kosovskog policijskog servisa u

Vučitrnu i policijskom inspektoratu u Kosovo-Polju, za tim poseta u Republici Sloveniji, Makedoniji, održali smo više okruglih stolova i konferencija međunarodnog karaktera. Svi ovi kontakti su bili izuzetna prilika da se profesionalno kao članovi komisije kvalitetnō ospesobimo, da razmenimo dosadašnja iskustava i da uvjerimo naše susede u regioni da smo spsremni se razvijati na planu ujačanja veza u sektoru bezbednosti. Naveo sam samo neko od pokazitelja i dokaza da su svi dosadašnji članovi komisije su visoko edukovani i spremni da preuzmu parlamentarni nadzor nad sektorom bezbednosti Kosova. Komisija je kvalitetnog sastava, veoma kompaktna, veoma dobro funkcioniše, multietnička i multistranačkog karaktera. Ima harmoniju visokog nivoa u svojim redovima, i bessmisleno bi bilo sada menjati sastav komisije, i u samom zaključku Parlamentarna grupa 6+ u potpunosti podržava izveštaj koj smo upravo čuli i poddržavamo zahtev da se Komisija preimenjuje i da se glasa za predlog da se komisija u buduće zove Komisija Skupštine Kosova za bezbednost. Hvala!

KRYETARI – Ju faleminderit, fjalën e ka deputeti Alush Gashi.

ALUSH GASHI – Faleminderit z. kryetar. Grupi Parlamentar i LDK-së lidhur me këtë çështje është angazhuar me vite dhe neve na vjen mirë që Komisioni i Kuvendit të Kosovës, Kryesia e Kuvendit dhe të gjithë deputetët e kanë mbështetur këtë proces dhe i lëvdojnë punën dhe bashkëpunimin lidhur me këtë çështje që është bërë në Qendrën për kontrollin demokratik të forcave të armatosura të sigurisë dhe me institucionet e tjera të sigurisë në vendet në transicion. Ne në të gjitha fazat e kemi mbështetur përgatitjen e legislacionit për këtë fushë, trajnimin e kuadrit të mesëm dhe të lartë për këtë fushë, na vjen mirë që Komisioni ynë aktual funksional i cili merret me çështje të përafërtë ka kaluar një periudhë të ndërtimit të trajnimit për të mund ta kryejë këtë funksion në fazën iniciale, ne duke i dhënë mbështetje këtij raporti z. kryetar kërkojmë që sa më parë të formohet agjencia për zbulim dhe kundërzbullim e cila do të jetë nën mbikëqyrje të komisionit parlamentar dhe të institucioneve të tjera demokratike të Kosovës. Ju faleminderit.

KRYETARI – Ju faleminderit z. Gashi. Fjalën e ka deputeti Jakup Krasniqi.

JAKUP KRASNIQI – Z. kryetar edhe Grupi Parlamentar i PDK-së e mbështet raportin e veçanërisht mbështesim ndryshimin e emrit në Komision për Siguri. Edhe ne e kemi shqyrtuar këtë pikë dhe kemi ardhur në përfundim se i mbështesim edhe përfaqësuesit e grupit parlamentar në këtë Komision, por do të kishim dëshiruar që ky komision ta ndryshojë jo vetëm emrin, por edhe përgjegjësinë për të ndihmuar dhe për të avancuar sigurinë nacionale në Kosovë dhe konsiderojmë se ky komision duhet të japë ndihmë si në ndërtimin dhe depolitizimin e Shërbimit Policor të Kosovës, ashtu edhe në ndërtimin e shërbimit informativ të Kosovës.

KRYETARI – Ju faleminderit, fjalën e ka deputeti Ylber Hysa.

YLBER HYSA – Edhe unë dua që në emr të Orës duke qenë pjesë e këtij Komisioni e përkrah raportin megjithëse ne prej fillimit nuk kemi pasur dilema se cilat janë kompetencat e këtij komisioni dhe shpresojmë që në fakt nuk bëhet fjalë vetëm për

ndërrimin e emrit, por për bartjen e kompetencave me të cilat ky komision më në fund do të fitojë peshë dhe përgjegjësi për t'u marrë me punët për të cilat edhe është krijuar komisioni dhe në këtë aspekt dëshirojmë të mirëkuptohemi që në fakt kjo përkrahje është përkrahje jo vetëm për ndryshim emri, por edhe për bartje të kompetencave.

KRYETARI – Meqë nuk ka të interesuar për diskutim deputet të tjera, ta hedhim në votim propozimin për riemërimin e Komisionit dhe për caktimin e fushëveprimit të tij. Në sallë momentalisht janë 83 deputetë, disa nuk i kanë kartelat dhe kanë votuar me dorë, por të dihet se a janë për apo kundër.

Votojmë tash:

| | |
|--------------|------------------------------|
| Për..... | 71 plus 6 me dorë që janë 77 |
| Kundër | 2. |

Kalon propozimi.

Vazhdojmë në pikën e 5- të të rendit të ditës.

5. Shqyrtimi i rekomandimit të Panelit të Veçantë lidhur me mocionin në Ligjin për përdorimin e gjuhëve

Në seancën plenare të mbajtur më 27 korrik 2006, Kuvendi i Kosovës miratoi Ligjin për përdorimin e gjuhëve. Në pajtim me rregullat procedurale dhe sipas Kornizës Kushtetuese Grupi Parlamentar 6+ i përfaqësuar nga deputeti Mahir Jakxhillar ka ushtruar mocion mbi bazën e pohimit të cenimit të të drejtave dhe interesave të komunitetit. Konform kreut 9.1.41 të Kornizës Kushtetuese dhe rregullës 40.3.4 të Rregullores së Punës së Kuvendit, paneli prej 3 anëtarësh, i përfaqësuar nga përfaqësuesi i PSSP-së me vendim konsensual i rekomandon Kuvendit të Kosovës ta miratojë amendamentin në nenin 2.3 të Ligjit. Vendimi i panelit së bashku me tabelën krahasuese u është shpërndarë të gjithë deputetëve. Fjalën mund ta marrë kryetari i Komisionit Funksional, nëse ka mendim për këtë.

Nuk ka. I ftoj shefat e grupeve parlamentare ta marrin fjalën.

Fjalën e ka deputeti Alush Gashi.

ALUSH GASHI – I nderuari z. kryetar i Kuvendit. Grupi Parlamentar i LDK-së me përkushtim dhe sinqeritet të madh ka punuar në të gjitha fazat e hartimit dhe të amendamentimit të Ligjit për gjuhët. Ne së bashku me ekspertë nga Evropa dhe Shtetet e Bashkuara të Amerikës i kemi shqyrtaur mundësitë të cilat sot janë të aplikueshme në vendet e ndryshme të botës së lirë dhe kemi ardhur në përfundim se në vendete tona fqinje, siç është Maqedonia, për të qenë gjuhë zyrtare nevojitet së paku 20%, duke marrë parasysh situatën në Kosovë si rast të posaçëm ne e kemi mbështetur propozimin e ekspertëve që në vend të 20% për të qenë gjuhë zyrtare gjuha përvèç gjuhës së shumicës që siç janë shqipja dhe serbishtja në vend të 20% ne e kemi mbështet që të jeni 6% dhe kemi votuar që përvèç shqipes dhe serbishtes, gjuhët e tjera të cilat janë në përdorim për të qenë gjuhë zyrtare nevojitet së paku 6%, mendojmë se kemi votuar një ligj të mirë, por nuk e përashtojmë mundësinë që në fazat e aplikimit të këtij ligji në fazat e mëvonshme, pas

regjistrimit të popullsisë, pas konsolidimit financiar të Kosovës që nëse nivelet komunale e vlerësojnë se kapaciteti i tyre financiar apo garanci e donatorëve ndërkombëtarë e mundëson që edhe shumë gjuhë tjera të përdoren apo eventualisht të janë gjuhë zyrtare ne do të keqemi në atë debat. Që nga dita e votimit të këtij nenit z. kryetar përveç presioneve të ndryshme të cilat shpesh kanë qenë joparimore ne në grupin tonë parlamentar nuk kemi ndonjë sugjerim konstruktiv lidhur me këtë çështje, prandaj ne do të votojmë, deputetët e LDK-së e kanë lirinë personale të vendimit, por e kanë edhe vendimin politik lidhur me këtë çështje. Ju faleminderit.

KRYETARI – Ju faleminderit. Fjalën e ka deputetja Gjylnaze Syla.

GJYLNAZE SYLA - Faleminderit z. kryetar. Edhe Grupi Parlamentar i Aleancës me shumë kujdes e ka shqyrta jo vetëm ligjin, por edhe vërejtjet që i ka bërë Grupi 6+ lidhur me këtë ligj dhe në bazë të vendimeve që janë marrë është krijuar paneli në pajtim me Kornizën Kushtetuese dhe ia ka dorëzuar propozimin Kuvendit. Grupi Parlamentar i Aleancës do ta votojë vendimin për panelin special. Ju faleminderit.

KRYETARI – Ju faleminderit. Fjalën e ka deputeti Ferid Agani.

FERID AGANI – Ju faleminderit z. kryetar. Grupi Parlamentar për Integrim e përkrah amendamentimin e propozuar, sepse është në pajtim edhe me deklarimin e Grupit Parlamentar në rastin e votimit të projektitligjit ,d.m.th në dëgjimin e dytë dhe me rastin e kësaj përkrahje ne jemi mbështetur në parimin se nuk është mirë të lejohet çfarëdo diskriminimi i një komuniteti etnik dhe të vihet komuniteti minoritar serb në një pozitë të privilegjuar mbi komunitetet e tjera etnike, d.m.th Grupi ynë parlamentar do ta përkrahë këtë amendament. Ju faleminderit.

KRYETARI – Ju faleminderit. Fjalën e ka deputeti Sabri Hamiti.

SABRI HAMITI - Z. kryetar i Kuvendit. Unë duke e lexuar këtë material që e ka dhënë paneli, paragrafin e dytë, po ju them se nuk janë këta seriozë në data dhe me punë të rregulloreve thotë: "Duke pasur parasysh mocionin e parashtruar sipas nenit 9.1.39 të Rregullores së UNMIK-ut 2001/9 të dt. 15 maj 2001 mbi Kornizën Kushtetuese për Vetëqeverisje të Përkohshme në Kosovë nga Grupi 6+ Kryesisë së Kuvendit të Kosovës më 28 shtator, 2006 në lidhje me Ligjin e miratuar për përdorimin e gjuhëve nga Kuvendi i Kosovës më 27 korrik 2006". Unë e di që ende nuk jemi më 28 shtator 2006, nëse ata kanë ecur përpara, ky është dokumente zyrtar, është në të tri gjuhët dhe nuk di si merret vendim për një kërkesë që do të bëhet më 28. Ky është dokument zyrtar, kjo nuk është lojë dhe unë po ju them pse e lexoj këtë? E lexoj sepse konsideroj se ky është ndërtim formal deri në nivelin sa nuk lodhet as për datat. Kjo tregon që kemi një përsëritje të pakufi të së njëjtës formulë dhe të së njëjtës kërkesë. Kjo është punë e tyre dhe ata e kanë të drejtën e vet që të vendosin dhe të formulojnë sa të duan, por ne si Kuvend duhet të térheqim vëmendjen për sjellje serioze në dokumente. E dyta, unë e dëgjova këtu një arsyetim që nuk duhet të bëjmë diskriminim. Unë e kundërshtoj formulimin haptas në Kuvend se këtu është marre të përmendet emri diskriminim. Kështu nuk ka kuptim për parada politike të bëhen gabime të jashtëzakonshme që do të kenë prapavijë të madhe konstitucionale politike. Le të votojë

kush si të dojë, por në këtë Kuvend nuk mund të përmendet ajo fjalë, nëse është diskriminim ky është diskriminim i ashtuquajtur pozitiv që në të vërtetë është diskriminim negativ i të tjerëve. Ju faleminderit.

KRYETARI – Ju faleminderit. Fjalën e ka deputeti Jakup Krasniqi.

Më fal Jakup se ka replikë Ferid Agani.

FERID AGANI – Unë mendoj se isha mjaft i qartë, por si duket jo për të gjithë deputetët. Grupi Parlamentar për Integrinë konsideron se nuk duhet të lejohet asnjë diskriminim i komuniteteve të tjera etnike minoritare në relacion me komunitetin minoritar serb, i cili nuk meriton në asnjë mënyrë që të jetë në pozitë të privilegjuar në relacion me ta dhe në këtë kontekst dëshirojmë që të gjitha komunitetet etnike të jenë në pozitë të barabartë. Ju faleminderit.

KRYETARI – Ju faleminderit. Urdhëroni z. Krasniqi.

Jo, ka replikë Sabri Hamiti.

SABRI HAMITI – Pasi që askush askujt emrin nuk po ia përmend, si duket ka adresim, nëse është ashtu z. zotëri për së dyti po thotë atëherë nuk ka të bëjë më arsyimet për këtë formulim, por janë probleme dhe politika shumë më të haptat. Ju faleminderit.

KRYETARI - Ju faleminderit. Udhëroni z. Krasniqi.

JAKUP KRASNIQI – Unë mund të them në emër të Grupit Parlamentar të PDK-së se në Parlamentin e Kosovës asnjëherë nuk janë bërë diskriminime. Në Parlamentin e Kosovës ka kohë që kanë vazhduar të bëhen diskriminime pozitive edhe kjo kërkesë për të votuar dhe miratuar një diskriminim pozitiv, por do të kishim dëshiruar që edhe kërkesa të tjera për diskriminime pozitive të ketë sa më pak në Kuvendin e Kosovës. Në një mënyrë për shumë rrethana e mbështesim këtë amendament për ta kapërcyer ligjin që është një standard që i kërkohet Kosovës.

KRYETARI - Ju faleminderit. Fjalën e ka deputeti Zaim Jashari.

NAZIM JASHARI – Faleminderit z. kryetar, të nderuar kolegë deputetë. Pozicioni i Kuvendit sot, por edhe pozicioni i Kuvendit me rastin e shqyrtimit të mëparshëm të këtij ligji flet për absurdin në të cilin ndodhet Kosova. Kosova është një tokë e absurdit ku ekziston një Qeveri, ekziston një koalicion qeveritar, ekzistojnë partnerët në koalicion qeveritar që përbëhen nga tri subjekte, nga partia e madhe LDK-ja, AAK-ja dhe nga Grupi 6+ në përbërje të cilit gjendet komuniteti, i cili është qetësisht i interesuar për kalimin e këtij projektligji ose të këtij neni të këtij projektligji. Ky koalicion qeveritar ia del të mbahet pavarësisht se një interes jetik i një komuniteti që është pjesë përbërëse e Qeverisë shpëfillet, derisa edhe në një mënyrë krejtësisht për mua e çuditshme, hidhet poshtë nga ana e një pjesë të koalicionit qeveritar, por Kosova është tokë e absurdit dhe gjithçka është e mundshme. Në botën e civilizuar këto gjëra do të trajtohen brenda koalicionit dhe do

të vinte ligji këtu të miratohet ose të votohet i marr veshë që më parë nga ana e koalicionit. Tash del që ne si opozitë jemi shumë më të interesuar për një segment të koalicionit qeveritar sesa ju që jeni pjesë e koalicionit qeveritar. Kjo prapë është pjesë e absurdit, por duke pasur parasysh që çështja e Ligjit për përdorimin e gjuhëve u bë fjalë edhe dje në Nju-Jork, kush e ka përcjellë me vëmendje dhe Kosova është një vend i cili po kërkon pranim ndërkombëtar. Pra, po pranon subjektivitet ndërkombëtar dhe si i tillë shpeshherë i parashtron kushte edhe të padrejta, sepse vetë pozicioni, statusi juridik i tij është i brishtë dhe lejon edhe kushtëzime të tilla, mirëpo me rastin e përdorimit të gjuhës turke në Prizren unë nuk e trajtoj që është një kusht specifik. Gjuha turke në Prizren është një gjuhë tradicionale, Prizreni është një qytet multikulturor, multikonfesional, multietnik, ka qenë gjithmonë që nga 2000 -vjeçari i ekzistencës së tij dhe gjuha turke në atë qytet e ka statusin e gjuhës zyrtare edhe jo formalisht, aty flitet turqishtja në rrugë, prandaj pavarësisht prej asaj se sa banorë mund të ketë turq në Prizren, atje shqiptarët flasin turqisht dhe për derisa është një situatë e tillë, është një realitet i tillë mua më duket një lojë e pahijshme e deputetëve të nderuar të Kuvendorit me një çështje e cila është krejtësisht në shpërputhje me realitetin aktual në Prizren dhe kjo lojë cic-mic më duket se nuk po i bën hije të mirë Kuvendorit e veçmas nëse kihet parasysh konteksti i përdorimit të këtij momenti në Këshillin e Sigurimit. Edhe herën e parë, kur e mbivotuat kolegët tuaj të koalicionit dhe ia rrëzuan poshtë amendamentin për ligjin, unë thashë që do të merremi prapë me këtë projektligj edhe në qoftë se edhe sot e rrëzojmë këtë projektligj, prapë do të merremi me këtë ligj, por le të bëhem i pak sa më serioz deri sa kërkojmë pranim ndërkombëtar t'i pranojmë edhe disa kushte të cilat mund të janë edhe të papërshtatshme për dikë. Ne duhet gjithsesi t'a tregojmë pjekurinë tonë që jemi të gatshëm të marrim përgjegjësi dhe të plotësojmë edhe kushte që ndonjëherë mund të janë edhe pilula të hidhura për ne, edhe pse në këtë rast nuk e shoh si të tillë. Ju faleminderit.

KRYETARI – Ju faleminderit. Fjalën e ka Xhevati Bislimi.

XHEVAT BISLIMI – Z. kryetar, unë e kam shprehur qëndrimin tim për këtë ligj që në leximin e parë të tij edhe sot po e përsëris që serbët në Kosovë janë pakicë dhe në asnjë mënyrë nuk e përkrah këtë ligj që gjuha serbe të jetë e barabartë me gjuhën shqipe. Në qoftë se duhet të janë të barabarta gjuhët e pakicave me gjuhën e popullit shqiptar shumicë, atëherë le të janë të gjitha të barabarta, ose në qoftë se gjuha shqipe bëhet ndonjëherë gjuhë e barabartë me serbishten në Serbi, atëherë le të bëhet edhe serbishtja në Kosovë, përndryshe me këtë ligj paragjykohet statusi i Kosovës, por edhe statusi i pakicës serbe në Kosovë. Prandaj unë jam kundër dhe ftoj deputetët që të janë kundër këtij ligji, ky ligj të shtyhet pas momentit kur Kosova të bëhet shtet, në qoftë se bëhet ndonjëherë me këtë Kuvend. Ju faleminderit.

KRYETARI - Fjalën e ka deputeti Fadil Kryeziu.

FADIL KRYEZIU – Z. kryetar, të nderuar anëtar të Kabinetit, të dashur kolegë dhe kolege deputetë. Para vetes natyrisht s'e kam edhe vendimin e panelit, kamë parasysh edhe diskutimet për Ligjin mbi gjuhët në seancën e kaluar, po kështu provoj të reflektoj edhe me disa nga diskutimet që u thanë këtu, qoftë në përdorimin e fjalës diskriminim apo jemi joserioz etj. Unë ju siguroj, përkundrazi, jemi mjaft seriozë dhe të përkushtuar që t'i

respektojmë të drejtat e të gjitha grupeve të tjera etnike dhe atë në kuptimin e diskriminimit pozitiv që është formulë që e kemi tash e sa kohë. Në kohën Kur Kosova ka kaluar nëpër rrrethana të tillë, kur ka qenë e diskriminuar, ka qenë e shkelur, e përdhunuar dhe ne nuk pretendojmë për asnjë moment të kalojmë në pozita të tjera karshi grupeve të tjera etnike, përkundrazi mendoj se futja në formulimin pavarësisht kësaj që u tha më lart për vendimin e panelit dhe përjashtimi i një komune në Kosovë në kuadër të një ligji është një precedent në vete. Absolutisht jam jo vetëm unë që vij nga Prizreni, por edhe kolegët e tjerë, por as autoritetet lokale nuk janë kundër gjuhës turke. Gjuha turke në Prizren është gjuhë zyrtare, Komuna e Prizrenit 22.8, respektivisht e buxhetit të saj me vendim të posaçëm apo rregulllore të posaçme të UNMIK-ut i ndanë për komunitetet e tjera dhe në qoftë se nuk e respekton këtë natyrish që pasojnë reperkusionet për këtë komunë në kuptimin e shpenzimeve buxhetore. Mirëpo në këtë rast kemi ikjen nga përqindjet që respektohen. Nuk është me rëndësi a flitet në rrugë, a flitet në kafene, apo flas unë këtu turqisht, shqip apo anglisht, por është me rëndësi që t'i respektojmë standarde dëgjimmonë me intencën të jemi madje, t'i tejkalojmë edhe ato standarde edhe karshi vendeve shumë të respektuara me demokraci të konsoliduar. Por në qoftë se ne bëjmë këtë sot dikush duhet ta marrë përgjegjësinë edhe për këtë ndarje të buxhetit 23% që shkon në grupe të tjera etnike, duhet ta marrë përgjegjësinë edhe për punësimin që po kështu respektohet me këto përqindje të larta dhe do të duhej që të jemi korrekt në formulimin e këtij amendamenti. Unë kam ide tjetër, kam mendim tjetër që ne ta tejkalojmë këtë problem, do të mund të shkonim në paragrafin tjetër ku flitet pavarësisht kësaj që u tha më lartë në mënyrë të veçantë në komunën e Prizrenit që gjuha turke do të ketë statusin e gjuhës zyrtare. Në të ardhmen ajo do të ketë statusin e gjuhës zyrtare, prandaj unë e kam këtë formulim se nuk isha shumë i sigurt si do të shkojë procedura dhe do të mund të debatojmë, pas pikës do të thosha: "Ndërkaq në Prizren gjuha turke është gjuhë zyrtare sipas vendimit dhe praktikës së Kuvendit Komunal", sepse kjo është tashmë aktuale në Prizren dhe ne nuk do të mund ta qonim para këtë çështje. Ju faleminderit.

KRYETARI – Fjalën e ka deputeti Ymer Muhamheri.

YMER MUHAMHERI – Kuvend i nderuar z. kryetar. Gjuha turke ka qenë me ligj e sankcionuar gjatë 40 vjetëve, e fituar e një e drejtë kurrësesi nuk bën të shuhet apo të anulohet. Çështja e gjuhës, e trashëgimisë dhe e pakicave është segment i veçantë i theksuar në procesin negociator, për atë këtu ne si Kuvend nuk ishte dashur me bë pazar jo 5% jo 6% se edhe ne në të kaluarën është përkufizuar dhe pakësuar e drejta jonë. Tre, paneli e ka formuluar një amendament të cilin me siguri administratori ka me e zyrtarizue, prandaj lus Kuvendin dhe kolegët, të mos shfaqim kushtëzim. Në lidhje me diskriminim apo mos diskriminim është mirë që të keni pjekuri politike ku në bazë të kësaj mundemi me fitue poena në procesin negociues. Ju faleminderit.

KRYETARI - Ju faleminderit. Fjalën e ka deputeti Kamber Kamberi.

KAMBERE KAMBERI – Faleminderit z. kryetar, pavarësisht prej panelit që thotë se ka punuar me një kujdes të madh, ky amendament nuk del dhe nuk përkon me këtë kujdes, sepse ka mundësi për alternativë dhe manipulim të mëtejshëm, të ndërrrohet nga 5% në 6 % dhe në vazhdim që thotë: "Pavarësisht kësaj që u tha më lart në mënyrë të veçantë

në komunën e Prizrenit” d.m.th le alternativë se mund të ketë edhe komuna të tjera, por në veçanti Prizreni, prandaj unë konsideroj se ky formulim nuk është i drejtë dhe pajtohem me deputetin Kryeziu. Ju faleminderit.

KRYETARI - Pasi nuk ka diskutues të tjerë, vendimin e panelit e vë në votim.

Fjalën e kërkon deputeti Nait Hasani

NAIT HASANI - Z. kryetar, ne votuam një herë pikërisht për këtë që e kërkua tu, tanë kërkoni të votojmë edhe një herë. Cila është arsyja që të votojmë edhe një herë? A ju jeni tash duke luajtur me Kuvendin apo ne jemi kah luajmë me Kuvendin.

KRYETARI – Unë mendoj se nuk jam duke luajtur me Kuvendin, por nuk ka qenë e sinqer sa duhet dhe nuk kanë votuar të gjithë.

Në sallë janë 93 deputetë. Kush nuk mund të deklarohet në mënyrë elektronike që nuk e ka kartelën me veti le të votojë me dorë

Vendimin e panelit e vë në votim.

Votojmë tash:

| | |
|-------------|----|
| Për | 41 |
| Kundër..... | 48 |

Nuk kalon amendamenti.

Seanca i përfundon punimet. Mirë u pafshim në seancën e radhës.